



Te Avae Mati 1960

TE HEHEURAA API

Na Paretenia Tino Ahuru ra.

(Mataio 25)

E Tuatiraa.

Ua na ô mai oia, “*Ia tae maira te Tamaiti a te taata ma to’na hanahana, e te mau melahi mo’a atoa ra. ei reira oia e parahi ai i nia iho i to’na terono hanahana; e e haaputuhia to te mau fenua atoa i mua i to’na aro: e na’na e faataa ia ratou mai te tiaï mamoe e faataa i te mamoe i te puaaniho ra: e e tuu oia i te mamoe i ta’na rima atau, e te puaaniho i te rima auï. Ei reira te ariï e parau a’e ai i tei ta’na rima atau ra. A haere mai outou, e te feia i faaorahia e ta’u Metua, e parahi i te basileia i haapaohia no outou mai te hamaniraa mai o te fenua nei ra; i poia na hoi au, e ua horoa mai outou i te maa na’u; i poiha na vau e ua faainu mai outou ia’u; e taata ê au, e ua ite mai outou ia’u; i veve na vau. e ua faaahu mai outou ia’u; i pohe na vau i te ma’i, e ua utu-utu mai outou ia’u; i roto vau i te tapearaa, e ua haere mai outou ia’u. Ei reira te feia parau-tia ra e na ô a’e ai te parau ia’na: E te Fatu, i nafea matou i ite ai ia oe i te poiaraa, e ua faaamu ia oe? E te poiha’araa, e ua faaiuu atu ia oe? i nafea matou i ite atu ai ia oe, e e taata ê, e ua ite atu ia oe? e te veveua, e ua faaahu ia oe? i nafea matou i ite atu ai ia oe i te poherua i te ma’i, e i roto i te tapearaa, e ua haere atu ia oe ra? E na ô a’e te ariï i te parau ia ratou, Oia mau ta’u e parau atu ia outou nei, O outou i na reira i te hoê taee iti haihai roa i roto i ta’u mau taee nei, e ua na reira mai ia outou ia’u nei. Ei reira oia e parau a’e ai i tei te rima auï. E haere ê outou, e te feia faainohia, i roto i te auahi pohe ore i haapaohia no te diablo e ta’na ra mau melahi; i poia na hoi au, e aore outou i horoa mai i te maa na’u; i poiha na vau, e aore outou i faainu mui ia’u; e taata ê au, e aore outou i ite mai ia’u; i veve na vau, e aore outou i faaahu mai ia’u; i ma’ihia na vau, e i roto vau i te tapearaa. e aore outou i haapao mai ia’u. Ei reira atoa ratou e parau ai ia’na, i te*

na ôraa e, *E te Fatu, i nafea matou i ite ai ia oe i te poiaraa, i te poiâraa, e te taata-ê-raa, e te veveraâ: e te poheraa i te mœ i e i roto i te tapearaa, e aore i turu atu ia oe? Ei reira oia e na ô a'e ai i te parau ia ratou, Oia mau ta'u e parau atu ia outou nâ, o outou aore i na reira i te hoê taeae iti haihai roa i roto i to'u mau taeae nei, aore atoa ia i na reira mai ia'u.*"

"O te haere ê ia e rave i te pohe mure ore, area te feia parau-tia ra, o te rave ia i te ora mure ore."

Marcel Bonnet

LES "ARTICLES DE FOI"

NEUVIEME ARTICLE DE FOI.

"Nous croyons tout ce que Dieu a révélé, tout ce qu'Il révèle maintenant, et nous croyons qu'Il révélera encore beaucoup de choses, grandes et importantes, concernant le royaume de Dieu."

C'est une croyance fondamentale de l'Eglise de Jésus-Christ que la révélation est la fondation même sur laquelle l'Eglise a été établie et édifié. L'Eglise des derniers jours fut établie par une révélation. Elle vint en réponse à une prière. Vous vous souvenez que Joseph, âgé de quatorze ans, avait lu dans la Bible:

"Si quelqu'un d'entre vous manque de la sagesse, qu'il la demande à Dieu, qui donne à tous simplement et sans reproche, et elle lui sera donnée." (Jacques 1:5)

Cela suggère emphatiquement, que nous devons continuellement prier afin de recevoir de conseils, des révélations et l'inspiration. Et, cependant, une grande partie du monde prétendument chrétien nie l'existence de la révélation, et affirme que les cieux sont fermés.

C'est par révélation après révélation que l'Evangile fut restauré sur cette terre, dans toute sa plénitude et pour la dernière fois, que l'Eglise dut organisée avec ses collèges de Prêtrise et ses organisations auxiliaires, et c'est la révélation qui dirige le cours de l'Eglise, dans les véritables sentiers de la droiture et de la justice.

Quel est le but de l'Eglise? C'est de ramener les hommes dans la présence de Dieu, conduire les hommes au salut et à l'exaltation.

"Or la vie éternelle c'est qu'ils te connaissent, toi, le seul vrai Dieu, et celui que tu as envoyé, Jésus-Christ." (Jean 17:3)

• Comment apprenons-nous à connaître Dieu? Le prophète Jacob, du Livre de Mormon nous donne une des meilleures réponses:

"Grandes et merveilleuses sont les oeuvres de Dieu! La profondeur de ses mystères est inscrutable; et il est impossible à l'homme de pénétrer ses voies. Et nul n'en peut rien connaître, à moins que Dieu ne lui révèle; c'est pourquoi, mes frères, ne méprisez point les révélations de Dieu." (Jacob 4:8)

Nous apprenons à connaître Dieu par l'Esprit de révélation. Paul, écrivant aux Galates, dit ceci:

"Mais, quand nous-mêmes, quand un ange du ciel annoncerait un autre évangile que celui que nous vous avons prêché, qu'il soit anathème!

"Car je ne l'ai reçu ni appris d'un homme, mais par une révélation de Jésus-Christ." (Galates 1:8,12)

C'est une des grands privilèges des membres de la Prêtrise que de communier avec Dieu. Amos, le prophète de l'Ancien Testament, nous montre cela clairement lorsqu'il dit:

“Car le Seigneur, l'Eternel, ne fait rien sans avoir révélé son secret à ses serviteurs les prophètes.” (Amos 3:7)

Mais comment communiquer avec les cieux? Comment pouvons-nous recevoir inspiration et révélation. On peut trouver la réponse à cela dans la déclaration de Pierre aux incrédules qui demandaient: “Hommes frères, que ferons-nous?”

“Pierre leur dit: Repentez-vous et que chacun de vous soit baptisé au nom de Jésus-Christ, pour le pardon de ses péchés; et vous recevrez le don du Saint Esprit.

“Car la promesse est pour vous, pour vos enfants, et pour tous ceux qui sont au loin, en aussi grand nombre que le Seigneur, notre Dieu les appellera.” (Actes 2:38-39)

Etant donné que la révélation entre Dieu et l'homme a toujours été un attribut caractéristique de l'Eglise de Jésus-Christ, il est à la fois raisonnable et juste de croire que Dieu continuera à se révéler à l'homme - selon l'obéissance de l'homme et sa capacité de comprendre.

En vérité, le Seigneur a donné un terrible avertissement à ceux qui voudraient se détourner de sa parole et de sa présence:

“Malheur a ceux qui diraient: Nous avons reçu la parole de Dieu. Et nous n'avons pas plus besoin d'en recevoir de nouvelles, car nous en avons assez.

“Voici ce que dit le Seigneur Dieu: Je donnerai aux enfants des hommes ligne sur ligne, précepte sur précepte, ceci un peu et là un peu; et bénis sont ceux qui écoutent mes commandements, et qui prêtent l'oreille à mes conseils, ils apprendront la sagesse, car à celui qui reçoit, je donne davantage; et je prendrai même ce qu'ils ont à ceux qui diront: Nous savons assez.” (II Nephi 28:28-30.)

Soumis par l'Ancien Toni Stone

E A'oraa No Te Amuiraa Atopa i te 1959 Na Spencer W. Kimball.

Tuatiraa

Ua parau atu oia ia ratou no Ta'na ra Ekalesia i Ierusalem, e ua faaite atu Oia i to'na na rima, to'na nau avae, e to'na hoi aoao tei puta i te naero e te omore i te rima o to'na ra mau taata. Ua faaora oia i to ratou tei pohebia i te ma'i, tei pirioi e to ratou hoi mau matapo mai Ta'na i rave i te Fenua Mo'a ra e na haamaitai atoa oia i ta ratou mau tamarii rii o tei faaatihia i te anahi, no te ra'i mai. Ua maiti Oia i Ta'na na Aposetolo e hoê ahuru e ma piti ma te haamana ia ratou no te faatere i Ta'na ra Ekalesia, e i reira haere atura oia i nia i te ra'i.

Aita to outou mau tupuna ati Lamana i hau atu i te faatupu orure-hau i to ratou iho mau tupuna, te mau ati Iseraela, area na te hurn o to ratou ra oraraa i faatae-papumai i to ratou haamouraahia. Ua i to outou parau tuatapa pa i te mau ati e rave rahi, area ra, e hopea anaana te vai nei i mua ia outou. E nunaa maitihia outou, e to outou ra hopea, tei roto ia i to outou iho mau rima, to outou mau hoa e to te Atua ra. Ua haapurarahia outou i roto i te haapurararaa rohi tei tupu e ono hanere matahiti hou te Mesia, e i nia i teie fenua, i mua e i muri iho hoi i te tau Cherisetiano ra, tae maira to outou haapurararaa rahi a tae mai ai te tau o te mau feia imi haere e te mau feia tei faaea i nia i te fenua nei.

Ua na ô mai te tahi e, "te tupu nei te hora poiri roa a'e hou te taeraa mai o te aabiata", e i teie nei, te ore nei to outou hora poiri na roto i te taeraa mai o te hoê mahana anaana a'e. I na mahana i mairi a'enei ua haere noa outou, na te medebara, i te tau anhune e te tau o'e ra; i teie nei ra mau mahana te ite nei outou i te papu-maitai o te oraraa i roto i te haapiiraa e te ohiparaa, e ia tae mai o ananahi e riro ia to outou hopea ei mea anaana roa i roto i te anavai roa, te faaroo, te mātā'u ore e te mana.

Mai te ati Iseraela tei mahiti ê atu i te tîîraa no Aiphiri ra, ua horoa-atoa-hia mai te mau fafauraa ia faaorahia outou i to outou mau enemî no te mau tiaturiraa tia ore, te mātā'u e te maua hoi; no ô mai hoi i te mau faainoraa o te navai ore, te ma'i e te mau mauini.

I te mau tau i mairi a'enei ua haere noa outou na nia i te mau moana tei ore i itehia ra, ua haere noa na roto i te medebara aratai ore ra; ua mo'e ia outou to outou mau ite hohonu, ta outou parau papai e to outou hoi ite o te Atua Parau Mau e te ora ra. E i teie nei, te ara mai nei outou no to outou taoto maoro ra e te tamata nei outou i te haru atu i te mau mea i mua ia outou. E ananahi e riro ia outou ei mau feia i haapii-mau-hia, o te hamani i te mau purumu, e o te amui mai i te aratairaa i faauruhia o te Ekalesia o to outou Faaora e te Fatu hoi.

Ua papai te mau feia papai parau tnatapapa no nia i to outou mau tau i mairi ra; ua himene te mau rohi pehe i te mau mea i ravehia e outou ra; ua tohu mai te mau peropheta no nia i to outou haapurararaa e to outou haaputuputu-faahou-raa; e ua faatia to outou Fatu ia haere outou na roto i te mahu pōiri tei faatihia e to outou mau tupuna, area ua faaoromai OIA i te tiairaa i to outou araraa e i teie nei te oaoa nei oia i to outou araraa, e te faaite mai nei Oia i to outou hopea hanahana i roto i to outou tiaraa tamarîi tamaroa, e tamarîi tamahine na te Atua. E tia mai outou no nia mai i to outou ro'i mauini ra, e i roto i to outou huru paruparu e farii mau ia outou i te Fatu, o Iesu Mesia, e Ta'na atoa ra opuaraa. E tae faahou outou i te mau teitei tahito o te haapiiraa e te maitai e te mana atoa hoi. E u'a outou mai te rosi i nia i te mou'a ra. E riro ta outou mau tamahine ei mau utuutu ma'i, ei orometua haapii tamarîi e te rave ohipa tauturu no te oraraa, e i nia a'e i te reira, e riro ratou ei mau vahine e ei metua vahine, tei i i te faaroo no te mau u'i tei i i te parau-tia. E tatan ta outou mau tamarîi tamaroa i roto i te mau ohipa atoa, mai te aravihi i te papai, te ohipa taote, te ohipa ture e te hamaniraa i te

fare. E riro ratou ei mau feia rave ohipa, e ei aratai i te ohipa hooraa tao'a e te hamaniraa tao'a, e ei feia faantere hau numera hoê. E ia amuihia, outou e o matou nei, e patu ia tatou i te oire rahi ra o Ierusalem Apî e te Hiero ta te Fatu e haere mai i roto ia tae mai Oia ra. Na to outou mau rima, e to matou hoi, no Iakoba atoa hoi matou, e tuu i te mau ofai tihi, e patu i te mau papai e e tapoi i tana fare nehenehe ra. Peneia'e e, na to outou mau rima e peni i te hiero e e faaunaua i te reira i te mau peniraa hoho'a nehenehe e i reira e pûpû atu ai, ta tatou, na te Fatu Rahi mau, te hiero tei hau roa'tu i te nehenehe tei patuhia i roto i To'na ra i'oa.

E mea oto roa hoi to outou mau tamataraahia i roto i na tenetera e hoê ahuru e ma'ono i mairi a'enei. Mai te tau maitai roa, no muri a'e i te taeraa mai o te Mesia, na mairi marû noa to outou mau mau tupuna i roto i te taivaraa e na te reira i faatae mai, i nia ia outou, to ratou mau huaai, te mau ati e te oto rahi. I to ratou riroraa ei feia faufaa rahi mo'e atura, ia ratou, to ratou ra Atua. Vahi ihora ia ratou i roto i te mau opu, e te mau pûpû, e haamata ihora te tama'i, te tahi i te tahi, te ei'a e tae noa'tu ua riro te fenua atoa ei puhaparaa no te feia tama'i.

Ua roaa to outou mau aito tama'i faabiahia, mai ia Amorona, ia Helamana e ia Moromona tei aifaito, i roto i te paari o to te ohipa tama'i, e te aratairaa i te taata, mai ia Cyrus, Alexandre e te mau Cesars. Ua tae to outou mairiraa i raro a haere ai to outou mau taata i nia i te e'a o te tama'i. Na te hinaaro tahoo, e te inoio rahi, i faariro te mau auahi toetoe o te tama'i ei mea veavea roa. Riro atura te mau pape no te hapétizoraa ei mau anavai toto. Ua haapaohia te ohipa nimiraa fenua e ua haere noa te mau nuu faehau, mai tera vahi i tera vahi, na nia i te mau vahi i faaapuhia, ma te haamou i te mau faaapu ma te haamau'a i te mau puaa e i te faariroraa te mau feia papahi noa ei overe.

Ia haere ana'e te mau nuu i te tama'i, e ia aro te nunaa i te tahi nunaa, e ore ihoa te haapiiraa, e ino te mau raveraa ohipa, e mairi mai te mau fare i raro, e vaerehia te mau uru raau e e haere faahou te aua faapu mai te medebara ra. E hamani ihoa te mau feia tama'i i te tahi mau araturu no te hoê noa iho taime, e te mau pâ, e te mau pare, ei monoraa i te mau fare, te mau fare haapiiraa e te mau fare raveraa ohipa na te hau. Aita ia e taime faahou no te haere e ooti i te mau tii nehenehe, te peni haere raa i te hoho'a o te fenna, te papai i te pehe upaupa e ia papai hoi i te mau parau tuatapapa. Aita to te mau taata e haere noa, i mua e a ore ra, i muri, e farii haapiiraa e te orometua hoi. E haamouhia te mau papairaa faufaa rahi a taninahia'i te mau fare, e te mau oire i te auahi. E rave te mau feia peni hoho'a, te mau orometua, te mau feia papai aamu e te mau orometua pae faaroo i te mau mauha tama'i no te imiraa'tu i te mau enemi e te aroraa'tu i te mau oire. Ua monohia te raveraa ohipa i te ohipa ei'a. E amuhia te mau puaatoro, te mau puaaniho e te mau moa e te mau faehau tei roohia i te poia. E amuhia te mau puaatoro maia, te fanaua e te mau opai puua mai te huero o te to popaa e te sitona ra. E amuhia te mau maa hotu e e tutuihia te mau tumu raau i te auahi. E te apee nei te o'e o teie nei mau tau i te mau tau auhune o te matamua ra. E afai haere te mau nuu faehau i te mau fare tiahapa e e faarue ratou i te mau fare parahiraa e te mau fare pureraa; e paparari te mau hiero e e tupuhia ratou i te mau huru raau atoa ra. A haere noa'i te mau nana mamoe i te itiraa aita'tura e tapuraa huruhuru e te ninoraa i te aahu, e na monohia te mau ahui i te iri puua e ua hahuhia te mau upoo. Faarirohia'tura te mau auri arote e te mau rou maa ei omore. Te mau fare hamahiraa ohipa faaapu, na faarirohia ia ei hamahiraa simetera, opahi e te oe. Riro atura te oraraa nei ei mea ino roa, tei i te toto ma te iti te mana'o e ora te taata. Ua na ô mai o Moromona:

"Te aratai-noa-hia ratou e Satani, mai te ota e pee i mua i te mata'i ra, e mxi te pahi e takurihuri noa i te mau are a'era, aore e ie, aore atoa e tutau, e aore atoa hoi e hôte e faaterehia'i te pahi. . ." (Moromona 5:18)

TUATIHIA

Te Fenua TAMARU Pererau

AUE te fenua tamārū pererau e, i pihai iho i te mau pape Kusa ra e: o tei tonono i te mau vea na te moana ra, e i nia i te pahi rii gima na nia i te iriatai ra. A haere, e tera ra mau vea oioi, i te fenua i purara ê, e i rave u'anahia ra: i te fenua mātā'uhia mai tahito mai e teie nei â; i te fenua e faito i te taura, e ua taataahihia, i tei pau te fenua i te pape ra. Isaia 18:1-2.

Teie paraua ta Isaia e parau nei, i te matahiti 714, hou Iesu Mesia i fanau mai ai; te haamana'o nei te hoê pae taata e, o Roma paha teie fenua tamārū pererau ta Isaia e parau nei, te ra râ, to'u mana'o, e ere paha i te reira, atia ia, arana'e tatou e paraparau ai i te reira parau. E haere tatou i nia i te haapiiraa i teie nei.

Uiraa 1. O vai ia te fenua tamārū pererau e parauhia nei?

P. O te Fenua America ia.

Uiraa 2. Ovai ia te mau ve'a i tonono hia i te mau fenua i purara ê ra?

P. O te mau Misinare matamua i tae mai i te matahiti 1843, i teie mau fenua Porinetia, oia hoi, te mau fenua i purara ê.

Uiraa 3. Eaha te tumu taua mau ve'a ra i tonono hia mai ai i teie parau?

P. No te mea, e taata te parahi nei i nia iho i taua mau fenua nei.

Uiraa 4. No hea mai taua mau taata ra i nia iho i taua mau fenua nei, e no tei hea opu mai ratou, e no tei hea nunaa mai ratou?

I te pae hopea no teie nei haapiiraa e tatara hia'tu ai te parau no teie nei fenua Pererau.

Tiai mai i te tuatiraa i teie avae i mua nei.

Na to outou taeae i te faaroo Marurai á Mahuru.

Te Mau Otarō Parau Miti Pohe

I te matahiti 1947, na te hoê tamaiti i ite i te hoê mau otarō parau tahito roa i roto i te hoê o te mau ana, o te parau hia nei te mau Ana Miti Pohe, no te mea te haaati noa nei tana mau ana ra i te Miti Pohe i Ierusalema. Mai reira mai â, na topahia te i'oa ra, "Te Mau Otarō Parau Miti Pohe" i nia i taua mau otarō parau ra, tei itehia e taua tamaiti ra, a ini ai oia i ta'na ra puaaniho i moe.

E teie nei, te vai nei te mau otarō parau hoê ahuru ma hitu, o tei itehia i roto i taua mau Ana Miti Pohe ra. E tei roto ratou i te rima o te mau taata faatere o te hoê Haapii-raa Teitei i Ierusalema. Ua iritihia te rahiraa o ratou e taua mau taata ra, ei reo Paratane, e ua itehia te hoê mau buka tei papaihia e te mau peropheto tahito, oia hoi, Te Buka a Noa, Te Buka a Mose, e te hoê mau buka tei papaihia e Enoha, Isaia, Solomona, e te hoê mau buka tei parauhia ra, Te Mau Buka a Adamu raua o Eva. Teie ra, e mau buka apî ana'e teie, o tei ore â i itehia e te mau taata i te mau tau i mairi a'enei, e o tei ore roa i itehia i roto i te hoê o te mau buka ta tatou e ite noa nei mai te Bibilia te huru. Mai te iteraahia mai o taua mau otarō parau tahito nei, te tupu noa ra te arepurepuraa i roto i te mau taata o te mau haapaoraa "Cherisitiano" o teie nei ao, o tei maere noa i te mau parau i roto i taua mau parau tuatapaparaa nei. Eaha ra teie nei mau otarō parau i faatupu ai i te maere rahi o to te ao taatoa nei? Eaha hoi te mau taata ite e te mau melo o te mau Ekalesia i te mau vahi atoa i peapea'i no taua mau otarō parau tahito nei. O teie ia te tumu, oia hoi, no te mea te patoi puai atu nei te mau papairaa o te mau Otarō Parau Miti Pohe ra i te mau haapii-raa ta te rahiraa o te mau ekalesia o teie nei ao e tiaturi nei. Te mana'o nei te mau taata e, na tae mai te Evanelia, no te taime matamua i nia i te fenua nei, i te tau o Iesu ra. Tera ra, e mana'o

hape te reira. Na te Bibilia Mo'a, e te mau Otaro Parau Miti Pohe hoi e haapapu mai ia tatou e, ua haapihia e ua haapaohia hoi te mau ture o te evanelia mai te au i ta Iesu e ta'na ra mau pipi i haapii ra, i te hoê mau anotau tahito roa, hou Iesu i fanauhia mai ai.

Ua ite Paulo e, ua faaitehia mai te Evanelia a te Mesia ia Mose raua o Aberahama e i te tahi atu â mau taata mo'a mai ia raua te huru, na mua i te tau no Iesu. (Galatia 3:8; Hebera 1:1-2; Korinetia I, 10:1-4; Roma 4:12; Ohipa 3:21.)

E teie nei, e hi'opoa tatou i te tahi mau irava parau i iritihia no roto mai i te Mau Otaro Parau Miti Pohe ra. Ua parauhia te hoê o taua mau otaro parau nei, "Te Mau Buka a Adamu Raua o Eva." Te na ô mai nei te Pene 36 e te Irava 4 o taua buka ra e.

"Ua haere maira Adamu i Ioridana, haere atura i roto i te pape, e ua faahopu roa'tura ia'na i roto i te pape, oia ia, e tae noa'tu i te mau i'o rouru o to'na ra upoo, a parau atu ai oia i te mau parau aniraa i te Atua ra, e a pûpû atu ai oia i te pure ia'na ra."

Mai te au i tei papahia i roto i teie papaa parau tahito, ua bapetizohia Adamu na muri a'e i te taime oia i tiavaru-hia'i i rapae au i te ô o Edenera.

Te na ô faahou nei taua parau tuatapaaaraa nei. e

"E i roto i taua taime ra, e tamâhia ia te taata e te pape i ta ratou ra mau hara. Area o ratou o tei ore i hinaaro ia tamâhia e te pape, e faahapahia ia." (Pene 29:10)

E te na ô atoa nei taua parau tuatapaparaa nei, i pene 42 e te irava 2, e.

"Ia hope te mau matahiti e pae tanatini e pae hanere ra, ei reira e tae mai ai Te Arii Here roa hia Te Mesia, Te Tamaiti a te Atua ra, i nia i te ao nei, ia faaora faahou i te tino o Adamu, e ia faaora faahou atoa i te mau tino o tei pohe ra.

E tae mai Oia te Tamaiti iho a te Atua ra, e bapetizo-hia ia Oia i roto i te Anavai no Ioridana, e i te taime e, na haere mai Oia mai roto mai i te pape a Ioridana, i reira Oia e faatahinu ai i te mono'i o te aroha, i te taatoaraa o tei tiaturi Ia'na ra".

E faaiteraa papu roa teie no te haereraa mai o te Mesia i te ao nei, e no to'na ra hoi bapetizoraahia. E ua riro te reira mau parau ei fifi rahi roa o tei faatapitapi noa i te mau mana'o no te mau taata ite i te mea e, ua ite ihoa ia ratou e, aore e tia ia patoi i te mau parau i papaihia e tana mau taata mo'a ra, o tei ora i te mau anotau hou te anotau o Iesu. E ua ite atoa ratou na roto i teie mau tuatapaparaa tei ite apî hia mai e, ua tia roa ia hi'opoa maite ratou i ta ratou mau haapiiraa. Ua na reira te tabi pae o ratau, e no reira ratou i faarue ai i ta ratou mau haapaoraa. Area ia matou nei, te mau melo o te Ekalesia A Iesu Mesia I Te Feia Mo'a I Te Mau Mahana Hopea Nei, ua ite matou e, e parau mau roa te rahiraa o te mau parau i roto i taua mau otaro parau Miti Pobe ra, no te mea ua piri roa ta ratou mau parau i te mau parau i heheuhia mai ia Iosepha Semita i roto i teie mau mahane hopea nei, oia hoi, tei papaihia i roto i te Buka Poe Tao'a Rahi.

Ke Orometua

Tahua Hautiraa Popo "Basket"

I te 18 no Tenuare i te matahiti 1960, i faaotihia'i te tomoraa i taua Tahua Hautiraa Popo i Hao Tuamotu.

Ua haaputupu mai te mau huiraatira o te fenna i mua mau i te uputa o te tahua hautiraa popo.

I taua taime ra, tae maira te Tavana Mataeina e te feia mana faatere o te fenna, e to te pae faaroo atoa hoi, i mua i te tahua hautiraa Popo, i raro mau a'e i te Reva Farani, i reira, ua himene mai te mau tamarii haapii i te himene rahi o Farani, la Marseillaise, i raro a'e i te aratairaa a Teipo â Tefau, orometua haapii tamarii o Hao.

Ua himene hia mai te himene N° 200, tomo atura te Tavana mataeinaa, ma te apee hia'tu e te huimana o te fenna, e te mau feia faatere o te mau faaroo e vai i'onei, e te huiraatira paatoa.

Ua paraparau mai te Tavana i to'na mana'o mauruuru no teie ohipa rahi i faaotihia i nia i te mataeinaa.

Ua himene faahou hia hoê himene N^o 175, ua haamaitai-hia te Tahua na roto i te pure, na Tihoti orometua.

Ua faaite mai te Tavana piti i to'na mana'o mauruuru rahi i teie ohipa i faaotihia e te faaroo Momoni.

Ua faaite mai Tihoti orometua i to'na mana'o no teie tao'a aroha ta te Ekalesia i horoa mai no te mau ohipa oaoa e te maitai te ravehia inia iho, e haere noa mai te mau huru taata atoa e hauti i nia i tana tahua ra.

Ua faaite atoa mai o Ke orometua i te mau ohipa e tia ia ravehia i nia i tana tahua ra.

Ua faaite mai o Avivi â Puahea, Peresideni Amaa no te faaroo Sanito, i to'na mauruuru e te faahiahia hoi i teie ohipa rahi, o tei rave hia e teie faaroo. Ua riro taua ohipa nei ei unauna no te fenua nei. Ua turu hia mai to'na mana'o e to'na tauturu, oia hoi, Tepoatea â Ganahoa.

I taua taima ra, ua topahia te i'oa o taua tahua ra, na roto i te mau faateniteniraa tumu o te fenua, e Turuma â Tekehu, oia hoi, te pae ia S. O. o te PAPA TUKIA ia, te pae ia N. o te PAPA HEUEA ia, no roto mai i te NANAO HAGA ARIKI.

Ua faaite mai te Peresideni Amaa o Hao, oia hoi, Tehoapu â Tuteamaru i to'ua mauruuru no te faaotiraahia o teie Tahua, e ua haamauruuru mai oia i te mau taata atoa o tei tauturu mai i te hamaniraa i teie nei Tahua, na roto i to ratou tae tino raa mai e rave i te ohipa, tae noa'tu hoi i te mau feia atoa i tauturu mai na roto i te aufauraa i te pereco Uira, te horo'a raa mai i te mau Kau e te mau machine, ma te moni ore. Ua haamauruuru atoa oia, i te Peresideni o te mau taurearea tue popo o Hao, ia Pepe Maioa, o tei turu maitai i te rave itoitorea i teie nei ohipa, e tae noa'tu i to'na oti raa. Mauruuru e Mauruuru roa.

Turuma a Tekehu.

PARAU RII API

To Tatou Orometua Tahito o Peneta

Te vai ra te tabi pae o tatou tei haamana'o i te hoê Orometua o tei haere mai i Tahiti nei ahuru e tiahapa matahiti i mairi a'enei, o Peneta to'na ra i'oa.

E teie nei, ua tae mai te parau apî no'na e, ua riro oia ei raatira i roto i te faehau e te faatere nei oia i te mau manu reva tutuha auahi i te fenua Farani i teie nei. I teie mau mahana i mairi a'enei, ua faatere oia i te hoê o na manu reva tutuha auahi o tei apee i te Peresideni Faatere Hau no Marite i to'na ra ratereraa na Farani ma no te farerei i te mau faatere hau i reira. Tera ra, na mua i taua tereraa ra, ua faatere oia i to'na ra manu reva no te tamataraa i te hurn o te "purumu" i faanahonahobia no taua tereraa ra, ma te tapae haere i te mau fenua i farereihia na roto i taua tereraa ra. E ua oti ana'e te mau fenua i te tapaehia e ana, ho'i roa maira oia i Farani i to'na iho ra tauraa manu reva, no te faaiteraa'ia i to'na mau raatira i te hurn no taua "purumu" ra, ia feruri ratou e tia anei ia ratou ia na reira atoa i te haere. E no reira, ua oti maitai te ohipa tei horoahia na'na ia rave, e inaha, ua mauruuru roa to'na mau raatira ia'na, e no reira parau atura ratou e, ua tia roa ia'na ia haere faahou atu no te apeeraa e no te parururaa i te manu reva rahi te afai i taua faatere hau na taua haereraa ra.

Ua oti atoa taua ohipa ra ia'na ma te maitai, e te faaea ra oia i te hoê aua manu reva i pihai iho i te oire rahi ra ia Paris i teie mau mahana nei. Ua oti oia i te faaipoipohia e e maha tamarii ta raua. A toru matahiti i teie uei to'na faaearaa i Farani ma.

Te Topita "ATOMIC"

I teie ava'e Febuare i mairi a'enei, riro ihora te hoê tiaraa Hanahana i te Ao taatoa nei, no te ite hohonu e te raveraa aravihi i roto i te mau ohipa Mauhaa TAMA'I, "ATOMIC" I to tatou Hau Metua ia FARANI. Na roto i te manuia rahi i to ratou faatoparaa i te hoê Topita Rahi "ATOMIC" I roto i te Medebara "SAHARA."

Te Mau Orometua

Ua upootia te pūpū taorarae popo o te mau Orometua Misionare o te Ekalesia i roto i te hoê haruraa re tei faaterehia i roto i te hoê mataeinaa i te Fenua Anteralia.

Ua tuuhia ta ratou hautiraa i nia iho i te Radio Television (Hoho'a), e ua anihia hoi ratou ia haere i roto i te haruraa re rahi no te fenua Anteralia taatoa. E mau Orometua Misionare ana'e te mau melo o taua pūpū nei.

Te Hoho'a No Ta Tatou Ve'a. Te Fare PŪ A Te Sotaiete Tauturu.

Na roto i te moni ra, e hoê milioni dala, moni Marite, tei haaputuputuhia e te mau tuahine o te Sotaiete Tauturu o te Ekalesia A Iesu Mesia I Te Feia Mo'a I Te Mau Mahana Hopea Nei. Inaha, ua oti to ratou fare pū i te Oire Roto Miti, i te hamanihia, e ua tomohia i te matahiti 1956. Mai reira mai â, ua riro taua fare nei ei fare pū e ei fare raveraa ohipa na te mau tuahine o te Ekalesia nei. I roto i taua fare nehenehe nei, te vai ra te mau piha toro'a no te mau comite faatere no te Sotaiete Tauturu o te mau Tuahine i te ao atoa nei. Te vai atoa ra, i nia i na tahua e maha, te mau piha raveraa ohipa, te piha haapaoraa buka, te hoê piha rahi e te ateatea maitai no te faatupuraa i te mau putuputuraa i hinaarohia ra, e tae noa'tu i te mau fariiraa no te mau tuahine, e te vai atoa ra te hoê piha tunuraa maa maitai roa no te faatupuraa i te hoê mau tamaaraa i hinaarohia, i tera taime e i tera taime. I roto i te tahi piha, i vaiiho hia'i te hoê mau tao'a aroha, o tei haaponohia'tu e te mau tuahine no tera fenua, e tera fenua, e tae roa'tu i to Tahiti nei. Ua riro mau taua fare nei ei tahoêraa no te mau tuahine o te Sotaiete Tauturu i te ao taatoa nei.